



錦繡萬花谷前集卷之十六

父子

侍寢問安文王有疾武王不說冠帶而養文王一飯武王亦一飯文王再飯武王亦再飯文王爲世子朝于王季日三鷄初鳴而至寢門問內豎曰安否何如豎曰安文王喜及日中又至亦如之及暮又至其有不安內豎以告文王文王色憂

南山橋梓伯禽與康叔見周公三見三笞之二子乃問

商子商子曰南山之陽有木名橋南山之陰有木名梓何不往觀之二子往見橋木高而仰梓木實而俯還告

商子商子曰橋者父道也梓者子道也

尚書大傳

曾子耘瓜曾皙令曾子耘瓜誤傷其根曾皙怒擊其首

曾子什地有頃乃蘇孔子聞之謂弟子曰參來勿內也昔瞽瞍有子曰舜瞽瞍使之未嘗不往欲殺之未嘗可得小杖則受大杖則逃不陷父於不義也家語

膝上王文度晉王述字懷祖子坦之字文度為桓溫長史溫欲為子求婚於述坦之還家省父而述愛坦之雖長大猶置膝上坦之因言溫意述大怒遂排下曰汝竟癡耶述傳

老萊兒啼老萊子事二親行年七十作嬰孩自娛著五色綵衣取漿上堂跌仆因臥地為小兒啼列女傳

炊飯成糜陳太丘有子元方季方有客詣太丘談鋒甚敵太丘令二子炊飯延客二子委甌竊聽客語飯落釜成糜而進客去太丘責之二子言其故且誦客語無遺

太丘曰但糜自可何必飯商芸小說

循陔束皙補亡詩曰南陔孝子相戒以養也循彼南陔言採其蘭眷戀庭闈心不遑安選詩

風月景山水謝莊生五子颺肫顥崧淪謂莊名子以風月景山水南史

羲之生五子王羲之有子七人其知名者五人曰玄之凝之徽之操之獻之孟郊詩曰羲之生五子羲之又有之

踐霜挽車伯奇尹吉甫之子吉甫惑於後妻虐伯奇無衣無履而使踐霜挽車伯奇順父之令不敢有辭

發假收嚴唐楊惟直名四子發假收嚴以春為義假以夏為義收以秋為義嚴以冬為義收大拜發至丞郎

阿戎王渾子戎幼爽阮籍謂渾曰戎清爽非卿倫也與卿言不如與阿戎談

晉書

屏風隔坐吳紀亮為尚書令子隲為中書令每朝會詔以御屏風隔坐

犢子破車石季龍少時數彈人石勒白母欲殺之母曰快牛為犢子時多能破車汝當小忍之勒乃止

晉書載記

睡不聽父言漢陳萬年咸數言事譏刺近臣萬年病召咸戒牀下語至半夜咸睡頭觸屏風萬年大怒曰乃公教戒汝汝反不聽吾言何也咸曰且曉所言大要教咸諂也萬年乃不復言

咸傳

過五男十日飲漢陸賈有五男賣橐中金分其子二百金今為生產賈常乘安車侍者十餘寶劍直百金謂其

子曰與汝約過汝汝給人馬酒食十日更所死之家得

劍

賈傳

雙珠出老蚌韋康元將弟誕仲將孔融與其父書曰前

日元將來淵才亮茂雅度弘毅偉世之器也昨日仲將來文敏篤誠保家之主也不意雙珠近出老蚌

後漢

父子骨滲血梁武帝第二子綜封豫章王初母吳淑媛在齊東昏侯宮及幸武帝七月而生綜宮中多疑之及綜年十四常夢一少年肥壯自挈其首對綜非一問母母問夢中形狀類東昏因密報之勿泄綜遂於別室祠齋廟然猶無以自信聞俗說以生者血瀝死者骨滲即為父子綜私發東昏墓出其骨瀝血試之既驗在西州生次男月餘潛殺之既瘞發其骨又試之

南史

父齒滲子血唐王少女父死兵遺腹生十歲問父所在母以告卽哀泣求尸時野中白骨覆壓或曰以子血漬而滲者父齒也少女鑿膚閱旬而獲本傳

好消息惡消息唐崔玄暉為軍校員外郎母盧氏戒之曰吾見辛亥馭云兒子從官者聞有人來云貧乏不能自存此是好消息吾聞貨貨充足衣馬輕肥此是惡消息吾重此言汝今坐食俸祿若不能忠清何以戴天履地特加修潔勿累吾此意也職官分紀

盜酒不拜孔文舉有二子大十歲小五歲晝日父眠小者牀頭盜酒飲之大兒謂曰何以不拜小者答曰偷何行禮此言小而善言語也世說

添丁盧仝生子名曰添丁欲為國持役也

見白雲思親唐狄仁傑授并州司法參軍親在河陽仁傑登泰山反顧見白雲孤飛謂左右曰吾親舍其下顧望久之雲移乃去

九子母丈夫錢穆父生九子東坡以九子母丈夫目之本傳

同桓傳王荆公及子雱同修經義經成加荆公左僕射雱龍圖直學士同日受命元絳賀詩曰陳前輿服同桓傳拜後金珠有魯公東軒筆錄

三子列侍陳省華蜀人三子堯叟堯佐堯咨皆進士及第而伯仲為天下第一晚年與燕國夫人馮氏俱康寧堯叟知樞密院次子直史館少子知制誥每對客三子列侍客不自安省華曰學生列侍常也士夫以為榮澗水

宰相侍立本朝王溥拜相年三十二其父祚累遷防禦使每見客溥常朝服侍立客不安求去祚曰學生勞賢者起避耶廬陵歸田錄

手植三槐于庭王晉公祜太祖朝為知制誥使魏州太祖曰使還與卿王溥官職時王溥為相也使還帝怒安置華州七年不召初祜赴貶時親朋送祜曰意公作王溥官職矣祜笑曰某不做兒子二郎必做二郎者文正公旦也祜手植三槐于庭曰吾子孫必有為三公者已而果然天下謂之三槐王氏邵氏錄

索杖欲撻韓忠獻公億教子嚴肅知亳州第二子舍人自京西倅謁告省觀康公與右相及姪宗彥皆中甲科

歸公喜置酒召僚屬之親厚者俾諸子坐於隅惟持國多深思知必有義方之訓托疾不赴坐中忽云二郎吾聞西京有疑獄奏讞者其詳云何舍人思之未得已訶之再問未能對遂推案索杖大罵曰汝食朝廷爵祿倅貳一府事無巨細皆當究心大辟奏案尚不能記則細務可知必欲撻之眾賓力解方已諸子股栗家法之嚴如此所以多賢子孫也蘇氏談訓

郎罷因閩人呼子為因謂父為郎罷顧况有詩述之青箱雜記故山谷有詩送秦觀少章從東坡學云斑衣兒啼真自樂從師學道也不惡但得新年勝舊年即如常在郎罷前黃集

賢愚繫於汝邵堯夫四十餘始娶生男有詩曰我今行

年四十五生男方始為人父鞠育教誨誠在我壽天賢
愚繫於汝我若壽年七十歲眼前見汝二十五我欲願
汝成大賢未知天意肯從否聞見

八龍國朝韓億忠獻公八子曰綱綜絳繹緯續維縵多
為聞人絳續皆為宰相維為門下侍郎以比荀氏八龍
黃詩

窮達有命唐介一日自政府歸語諸子曰吾備位政府
知無不言桃李固未嘗與汝等栽培而荆棘則甚多矣
然汝等窮達莫不有命惟自勉而已湘山錄

守鳴蟬賦予起作賦草他兒一視而過獨小子斐守之
不去此兒必能為吾此賦因以予之歐集斐字叔弼

長頭時王東坡中子迨生三年不能行請辯才師為落

髮摩頂祝之不數日能行坡有詩云我有長頭兒角頰
時犀玉四歲不知行抱負煩背腹師來為摩頂起走赴
奔鹿

虎兒詩蘇子由巳卯生坡嘗號為卯君生子名虎兒坡
有詩云舊聞老蚌生明珠未省老兔生於菟老兔自謂
月中物不騎快馬騎蟾蜍蟾蜍爬沙不肯行坐令青衫
垂白鬚於菟駿猛不類渠指揮黃熊駕黑羆丹沙紫麝
不用塗眼前百步走妖狐妖狐莫誇智有餘不勞搖牙
咀爾徒

母子

啓母化為石禹治水通轅轅山化為熊謂塗山氏女曰
欲餉必聞鼓聲乃來禹排石誤中鼓塗山氏往見禹方

作熊慙而去至嵩山下化為石方孕啓禹曰歸我子石破北方而啓生武帝紀注

伊尹母化為枯桑伊尹母方孕行汲化為枯桑其夫尋至水濱見桑穴中有兒乃收養之尚書大傳

搯臂呼參曾參出薪于野有客至其家欲去其母曰願留參方到即以左手搯右臂臂痛參即馳至問母曰臂何故痛母曰今者客至搯吾臂呼汝耳論衡

三金曾子再仕而心再化曰吾及親仕三金而心樂後仕三千鍾而不汨吾心悲莊子

斷機孟軻母三徙既居孟子學而歸母問學所至孟子自若也孟母以刀斷機曰子之廢學若吾斷機孟子懼

勤學不息遂成名儒

倚門王孫賈之母謂賈曰汝朝出而晚來則吾倚門而望汝暮出而夜還則吾倚廬而望戰國策

織屨漢翟方進年十二三失父為太守府小吏因病歸家辭其後母欲西至京師授經母憐其幼隨至長安織屨以給方進後十餘年至宰相母尚在

分椹後漢蔡順當王莽末大荒順拾椹以異器盛之赤眉賊見而問之順曰黑者奉母赤者自食賊知其孝乃遺米肉放之本傳

桑門遺瓜滕曇恭年五歲母患熱病思食寒瓜土俗不產曇恭歷訪而不得俄遇一桑門曰我有雙瓜分一相遺舉室驚異南史本傳

遺蒲萄陳叔達為納言嘗賜食得蒲萄不舉高祖問之

遺蒲萄陳叔達為納言嘗賜食得蒲萄不舉高祖問之

對曰臣母病渴嘗求不能致願歸奉之帝曰卿有母遺乎因賜之本傳

和熊膽丸以助子勤柳仲郢幼嗜學母嘗和熊膽丸使夜咀嚙以助子勤唐本傳

識杜黃裳潘孟陽母劉晏女常問未坐有綠衣少年何人曰補闕杜黃裳夫人曰此人覺全別必是貴人後為相南部書

鼓吹震耀洛濱晉汝南王亮母伏太妃常有小疾夜於洛水亮兄弟三人侍從並持節鼓吹震耀洛濱武帝登凌雲臺望見曰伏妃可謂富貴矣

擁笏垂魚唐曹成王臯為刺史遭誣在治念其母太妃老將驚而戚出則囚服就辨入則擁笏垂魚退之曹王碑

拜畫像金日磾母死武帝詔圖其形於甘泉宮日磾養馬苑中每牽馬過見遺像輒拜

冰筋南史蕭叡明母病風積年叡明晝夜祈禱時寒叡明下淚為之冰如筋額上叩頭血亦冰不溜後其母遂安孝義集

當歸遠志姜維天水人既歸蜀得母書令求當歸維曰但有遠志不在當歸本傳

刻母形丁蘭少喪父母不及養乃刻木為親形事之若生隣人張叔妻從蘭妻有所借蘭妻跪報木人木人不悅不以借之叔醉罵木人以杖敲其頭蘭歸奮殺張叔郡縣嘉其孝遂上之圖形於靈臺孫盛逸士傳

社日悲慟魏王脩年七歲母社日死脩每至社日悲慟

鄰里爲之輟社

拔刀逐賊僕固懷恩父子平史朝義舉河朔若拾遺護回紇歸國過太原爲辛雲京所拒閉關不犒軍大怒頓軍汾州遣子瑒攻雲京偏將焦暉等斬瑒首獻闕下懷恩聞以告母母曰我戒汝勿反國家訓汝不淺今衆變禍且及我提刀逐之曰吾爲國殺此賊取其心以令軍中懷恩走以部曲三百走靈州詔輦其母歸京師贊曰其母拔刀逐賊烈婦人哉

捧檄而喜毛義家貧養親張奉慕其名詣義會府檄至以義爲守令義捧檄入喜動顏色奉心賤之及義母死舉賢良方正不就奉嘆曰往日之喜爲親也 本傳

寄物瓶中曹公令路粹枉狀奏孔融與布衣襦衡放言

云父之有子當有何親論其本意實爲情欲發耳子之於母亦復奚爲譬寄物瓶中出則離矣 後孔融傳

非此母不生此子陶侃母湛氏新塗人初侃父丹聘爲

妾生侃陶氏貧賤母紡績資之番陽孝廉范逵寓宿於侃時大雪湛氏乃徹所臥新薦自剉給其馬又密截髻供饌逵嘆曰非此母不生此子侃竟以功名顯 晉列女傳

母有疾輒病唐張志寬嘗詣縣忽稱母疾求急歸令問狀答曰母有疾志寬輒病令疑妄繫於獄馳驗如言

執屣辭禪晉韓伯數歲大寒母方爲作襦令伯提屣斗而謂之曰且著襦尋當作複禪伯曰不須母問故曰火在斗中而柄熱今旣著下亦當煖 本傳

百官回班候起居唐趙隱輔政他宰相及百官皆詣第

陞堂慶母懿宗誕日宴慈恩寺隱侍母以安輿臨觀宰相率百官拜恩於庭回班候夫人起居縉紳以爲榮官職

紀分

噬指悟子蔡順採薪於野有客卒至母望順不還噬其指順卽心動棄薪馳歸母曰有客來吾噬指以悟汝耳

喜錄囚平反漢雋不疑爲京兆尹行縣錄囚還其母輒問有所平反活幾何人卽多有所平反母喜笑爲飲食異於他時或無所出母怒爲不食故不疑爲吏嚴而不

殘本傳

掃墓地嚴延年治河南酷刑號屠伯母數責延年天地神明人不可獨殺我不意當老見壯子被刑戮也行矣去汝東歸掃墓地耳遂歸後歲餘果弃市東海莫不賢

智其母延年兄弟五人皆至大官母號萬石嚴嫗

那得生寧馨兒宋廢帝子叢性凶悖其母疾篤召之帝

曰病人多鬼那可往其母怒謂侍臣將刀來破我腹那得生此寧馨兒南史本傳

秤槌中足寇萊公少時不修小節頗愛飛鷹走犬大夫

人性嚴每不勝怒舉秤槌投之中足流血由是折節從學及貴母已亡每捫其瘡痕輒哭記聞

剪髻杜甫詩送王砵音砵砵是王珪之後云家貧無供給

客位但箕帚俄頃羞頗珍寂寥人散後入怪鬢髮空吁嗟爲之乂自陳剪髻髮帟易充沽酒上云天下亂宜與

英俊厚秦王時在坐真氣驚戶牖及乎正觀初尚書踐台斗此稱珪母之賢兩清詩話

杖碎金魚陳康叔善射號小由基及守荆南回其母馮夫人問汝典郡有何異政堯咨云每以弓矢爲樂母曰汝父教以忠孝輔國家今汝不務行仁化而專務一夫之勇豈汝父之志耶杖之碎其金魚

刺血寫經求母朱壽昌少不知母所在刺血寫經求之五十年後得之蜀中東坡賀之以詩云嗟君七歲知念母憐君壯大心愈苦羨君臨老得相逢喜極無言淚如雨京龍爲炙玉爲酒鶴髮初生千萬壽金花詔書錦作囊白藤肩輿簾感繡感君離合傷我魂此事今無古未聞長陵謁來見大姊仲孺豈意逢將軍開皇苦桃空記面建中天子終不見西河太守誰復譏潁谷封人羞自

薦坡集

子孝婦義真宗朝有士人其母死乃號慟抱母屍而死其妻見夫死乃抱夫屍而哭亦就死曰此家人子死於孝婦死於義也

金花誥官誥院敕郡夫人使金花羅紙七張錦縹袋賜以湯沐邑乃奉親之榮也

春明退朝錄

兄弟

花萼相輝樓睿宗五子玄宗爲季子製大衾長枕與諸王共之後於宮南造花萼相輝之樓時時登之必召諸王登樓賦詩世謂天子友悌無比有鵲鴿千數集麟德殿柱帝嘗賜憲等書曰魏文帝詩曰西山一何高高高殊無極上有兩仙童不飲亦不食賜我一丸藥光輝有五色服之四五日身體生羽翼朕每言寧如兄弟天生

羽翼乎陳思王才足以經國家絕其朝謁卒以殲魏祚未終司馬氏奪之豈神丸效耶

明皇傳

花萼集李義山與兄弟俱以文章自名同為一集號李氏花萼集

酥醞乳酪穆贊兄弟皆和粹世以珍珠目之贊少信然有格為酪質美而多文為酥真為醞酪賞為乳腐

雙與唐張越石楚金同舉有以兄弟不可兩收欲俱退李勣嘆曰貢舉本求才行何妨雙與

乾膳子

聯珠集竇羣與兄常牟弟庠輩兄弟五人皆為郎工詞章義取五星然故為聯珠集行於世

本傳

白眉馬良兄弟五人並有才名鄉里諺曰馬氏五常白眉最良良眉中有白毫故云

蜀志

三株樹唐王勃與兄勳勗皆著才名故杜易簡稱三株樹

紫荆花京兆田真兄弟三人欲分庭前紫荆花破而為三明日枯死真曰是人不如木也兄弟相感復合荆亦

茂陸機詩云三荆歡同株又古詩三荆同根生

續齊諧記

蜀龍吳虎諸葛瑾仕吳諸葛亮仕蜀從弟誕仕魏後以兵反見誅世人謂蜀得龍吳得虎魏得狗

世說

難兄難弟漢陳元方子長父即陳羣也與季方子孝先各論其父功德爭之不決諮於陳太丘太丘曰元方難

其兄季方難其弟

世說

難兄晉王珉小字僧彌少有才藝名出珣右語曰法護非不嘉僧彌難為兄法護珣小字

晉本傳

人琴俱亡 王徽之與獻之俱病術人曰應終而有生人樂代則死者可生徽之曰吾才不如弟請代術人曰君今與弟筭俱盡何可代獻之卒徽之奔喪直取獻之琴鼓之久而不調曰子敬人琴俱亡因一慟而卒

夾河為郡 漢杜周為廷史久任事列三公兩子夾河為郡守 本傳

少言佳客 王子敬獻之與兄徽之操之俱詣謝安二兄多言俗事獻之寒溫而已既而客問王氏兄弟優劣安曰少者佳客問其故安曰吉人之辭寡以其少言故知之

封胡竭末 晉謝氏尤彥秀者稱封胡竭末封謂謝韶胡謂謝朗竭謂謝玄末謂謝川皆其小字也韶朗川皆早

卒惟玄以功名終

太祖娣 太祖將北征自京師歸民間謔言當立點檢為天子太祖聞之懼密以告家人太祖娣魏國長公主方在厨引麩杖逐太祖曰大丈夫臨大事可否當決胃懷乃來怖婦女太祖默然出 涑水記聞

四鳥之悲 孔子聞婦人哭聲謂顏淵曰此非獨哀又有離別之聲何以知之曰昔恒山有鳥生四子羽翼既成將分飛聲類於此問之果然父死賣子以葬 六帖

灑血陳業兄渡海同死六十人骨肉消爛而不可別業乃割臂流血灑骨上而後別也

連壁分鼎 東坡子由孔文仲經甫武仲常甫平仲毅甫俱以才名播天下魯直有詩云二蘇上連壁三孔分立

鼎天下墜斯文俱來集臺省

形貌相類張伯偕仲偕兄弟形貌相類仲偕妻新粧鏡中忽見伯偕問曰今日新粧飾好否伯偕不顧仲偕妻慚久伯偕復過仲偕妻復呼之曰向誤認伯偕是卿伯偕又不顧仲偕妻始慚俱誤

友于世謂友弟謂友于朱浮蹠血友于杜甫詩云山鳥山花皆友于皆歇後語也洪駒父詩話

爭死後漢時趙孝宗弟孝禮被賊捉去欲殺而食之孝宗聞之走見賊曰孝禮不如孝宗肥願代弟死賊相謂曰此義士也遂並放之孝義傳

子孫叔姪

霍氏衰張氏興張安世子千秋與霍光子禹俱為中郎

將隨度遼將軍范明友擊烏桓還謁大將軍光光問戰鬪山川形勢千秋口對兵事手畫地成圖無所忘失復問禹禹不能記曰皆有文書光由是賞千秋而以禹為不才嘆曰霍氏衰張氏興矣

一夜十起第五倫或問倫曰有私乎曰余兄子嘗病一夜乃十起退而安寢余子有病雖不省視而通夕不寐

本傳

紫羅囊謝玄嘗佩紫羅香囊叔安惡之而不欲傷其意因戲賭得乃焚之本傳

買德郎桓温弟冲小字買德郎初温兄弟並少家貧母患需羊以解温乃以冲為質羊主言不欲為質幸為養

買德郎本傳

烏衣郎晉宋時江左謂王謝子弟爲烏衣諸郎 坡詩注

碧梧鸞鵠瑤環瑜珥退之云余在京師不能自存拜北

平王於馬前王憐之賜食與衣召二子使爲之主其季

遇我厚姆抱幼子立側肌肉玉雪可憐當是時見北平

王如龍虎變化不測見少傅翠竹碧梧鸞鵠停峙幼子

娟好靜秀瑤環瑜珥蘭茁其芽北平王馬燧也少傅燧

子暢也幼子燧之孫卽少監也

未嘗教子孫學問王敬弘歲中見兒孫不過一再見見

輒刻日未嘗教子孫學問多隨所欲或問之答曰丹朱

不應乏教密越不聞被筆 南史

阿買韓退之詩阿買不識字頗知書八分詩成使之寫

亦足張吾軍或問黃魯直阿買是退之何人魯直曰退

之姪必有據也 坡注

仲容賢嗣宗諸子姪早覺仲容賢仲容乃阮咸字籍之

姪也 杜詩

鳩車竹馬小兒五歲曰鳩車之戲七歲曰竹馬之戲 博物志

薦姪宰相呂蒙正居洛真宗祀汾陰過洛幸蒙正宅問

曰卿諸子孰可用對曰臣諸子皆豚犬不足用有姪夷

簡任潁州推官宰相才也帝記其語遂至大用文靖公

也 邵氏聞見錄

璠瑒經緯翰林學士彭乘不訓子弟范宗翰上啓責之

曰王氏之子琪珪玘瓘器盡璠瑒韓氏之宗綜絳續維

才皆經緯非蔭而得由學而然謂王氏皆以王名韓氏

皆以絲名天下衣冠子弟取高科者唯王韓為盛名臣傳

梁羅蘇子由子遲适遠子瞻有詩云獨携三子出古剎

訪禪師高談付梁羅詩律對阿虎梁羅遲小字阿虎即

虎兒小字也坡集

硤頭王東坡賀子由生孫云朋來四男子大壯泰臨

復無官一身輕有子萬事足舉家傳吉夢殊相驚凡目

爛爛開眼電硤硤峙頭王李賀詩頭王硤硤眉刷翠

杜郎生得真男子

夫婦

射雉始笑叔向曰昔賈大夫惡娶妻而美三年不言不

笑御以如臯射雉獲之其妻始笑而言左傳

展展歌百里奚仕秦其妻歌曰百里奚五羊皮憶別時

烹伏雌炊粳粳今日富貴忘我為

白頭今司馬相如將聘茂陵女子為妻文君作白頭吟

凄凄重妻妻嫁娶不須啼願得一心人白頭不相離相

如感之乃止西京雜記

娶罵已者人有挑其隣之妻者其長者罵之其少者報

之後其夫死而娶其長者或曰夫非罵爾者耶曰在人

欲其報我在我欲其罵人後馮衍傳

三同馮衍字敬通其妻極悍劉孝標云予與敬通三同

不遇一同也剛直二同也馮有忌妻自操井曰予亦有

忌妻家道坎軻三同也劉孝標傳

以粉書扇後漢陰瑜妻荀爽女名采早寡父母強嫁與

郭奕爽以詐疾召采采歸而懷白刃爽執奪不得已到

郭氏偽爲歡建四燈以共談奕敬憚之及曙奕出采叱左右辦浴既入室以粉書扇曰屍還陰氏字未成恐人來乃以衣帶自縊死

卿卿晉王渾妻鍾氏常卿渾渾曰詎可爾妻曰憐卿愛卿是以卿卿我不卿卿誰當卿卿世說

飲瓊搗霜裴航遇雲翹夫人與詩云一飲瓊漿百感生

玄霜搗盡見雲英藍橋便是神仙窟何必區區上玉京後經過藍橋渴過一舍有老嫗揖之求漿嫗令雲英擎一甌漿飲之卽美女也航欲娶雲英嫗曰但得玉杵玉臼當與之後航得杵曰爲搗藥乃得娶遂得仙也傳奇

不對梳沐宋劉穆之貧往妻兄家乞食多見辱不以爲耻其妻江氏每禁不令往穆之猶往食畢求檳榔江氏

兄弟戲曰檳榔消食君何需此妻復截髮而肴饌爲其兄弟以餉穆之自此不對穆之梳沐及穆之爲丹陽尹召妻兄弟飲至醉以金拌貯檳榔一斛進之本傳

感孤燕南史衛敬瑜妻年十六而夫亡父母舅姑欲嫁之乃截耳爲誓不許戶有巢燕常雙飛後忽孤飛女感其偏栖乃以縷繫脚爲誌後歲此燕果復來猶帶前縷女爲詩曰昔年無偶去今春又獨歸故人恩意重不忍更雙飛張景仁傳

黃鵠歌烈女陶嬰夫死守義作黃鵠歌曰黃鵠早寡子七年不雙飛宛頸獨宿子想其故雄其命早寡子獨宿何傷念此寡婦子泣下數行死不忘子鳥將然雖有賢雄子終不重行魯人聞之遂不復求列安傳

箱上蠶機上絲王肅在江南聘謝氏女為妻及至京師復尚公主其後謝氏為尼亦來奔肅作詩贈肅曰本為箱上蠶今作機上絲得絡逐勝去頗憶纏時公主代肅謝曰針是貫紳物目中常絰絲得帛縫新去何能袖故時肅甚恨遂造正覺寺憇之伽藍記

寫直寄詩南楚才旅遊似無返舊之意其妻薛媛微知其意乃對鏡自圖其形并詩以寄之詩曰欲下丹青筆先拈寶鏡端已驚顏索寞漸覺鬢凋殘淚眼描來易愁腸寫出難恐君渾忘却時展畫圖看楚才遂歸如初雲溪

出妻復還嚴灌夫娶慎氏十年無嗣乃出之妻乃為詩以別曰當時心事已相關雨散雲收一餉間便是孤帆

從此去不堪重過望夫山遂如初

夢歸見寫詩有書生娶後遊大學久不歸一夕夢返其家見妻秉筆寫詩云數日相望極須知意思迷夢魂不怕險飛過大江西書生怪而記之後家書至妻有詩一首如夢中所見無殊夢之夕乃發書之日

畫佛唐武侍御喪其配斂其遺服櫛珥輦輓于亡月日十五日出陳之抱嬰兒以泣有浮屠者諭之曰是豈有益耶吾師云人死則為鬼鬼且復為人隨所積善惡受報環復不窮也西方有佛焉其土大樂能圖是佛而禮之往生莫不如意韓愈聞而弔之曰圖西方子道之勤以妄塞悲子慰新魂韓弔武侍御畫佛文

無雙唐劉震之女幼時許其甥王仙客未成婚會朱泚

之亂震夫妻死無雙沒入掖庭仙客後二年入京遇舊
蒼頭塞鴻又得無雙婢採蘋與居後爲縣尉至長安驛
忽有中使押內家三十人往元陵灑掃塞鴻烹茗於簾
外夜深忽聞簾下語曰塞鴻郎健否明日我去後閤子
中取書送郎書後二常見敕使說富平縣古押衙有心
人今能求之否後仙客尋古押衙結以寶玉半歲古押
衙求茅山道士藥令採蘋假作中使賜無雙自盡立死
三日活以親屬贖屍以與仙客救療得愈押衙自盡仙
客與無雙易姓名偕老襄鄧間太平廣記

繡龜形詩唐會昌中有邊將張揆防邊近十年其妻侯
氏繡回文作龜形詩詣闕進曰睽離已是十年強對鏡
那堪更理粧聞鴈幾回修尺素見霜先爲製衣裳開箱

疊練先垂淚拂杵調砧更斷腸繡作龜形獻天子願教
行客早還鄉

封髮三十年唐賈直言妻董氏直言坐事貶嶺南以妻
少年訣曰死生不可期吾死可別嫁董不答引繩束髮
封以帛使直言署曰非君手不解直言貶二十年乃還
署帛宛然及湯沐髮墮無餘本傳

詩寄夫毛友龍達可未第時其內以一詩寄之剔燭親
封錦字書擬憑歸鴈寄天隅經年未報干秦策不識如
今舌在無齋錄

少婦集句壽之老醫娶少婦或集句嘲之曰隈他門戶
傍他墻年去年來來去忙採得百花成蜜後爲他人作
嫁衣裳后山詩話

河東獅子吼陳造字季常妻柳氏悍忌季常畏之東坡詩戲之曰龍丘居士亦可憐談空談有夜不眠忽聞河東獅子吼拄杖落手心茫然龍丘季常道號河東柳姓郡也西清詩話

錦繡萬花谷前集卷之十六

錦繡萬花谷前集卷之十七

妓妾

樊通德漢伶玄之妾樊通德趙飛燕女史也能道趙飛燕姊妹事伶玄曰其人俱灰滅矣疲精神馳嗜慾寧知終歸荒田野草乎通德掩袖視燭影以手擁髻淒然泣下伶玄因作飛燕外傳

友通期後梁商美人友通期獻於順帝通期有過帝以歸商商出嫁之商子巽遣客盜還友通期生子伯玉翼**翔風**石季綸有愛婢曰翔風能別五聲以文顯名年三十石崇乃退為房老翔風怨而作詩云春華誰不美卒傷秋落時坐見芳時歇憔悴空自嗤王子年拾遺

絡秀周顛母李氏字絡秀初顛父俊為將軍出獵遇雨

止李氏父兄不在絡秀與婢於內宰羊具饌不聞人聲
俊窺之見一女甚美因求為妾父兄不許絡秀曰門戶
殄瘁何惜一女遂與之生顛三子

綠珠嶺表錄異曰昔梁氏女有容貌石季綸為交趾採
訪使以真珠三斛買之即綠珠也善吹笛孫琇使人求
之崇曰綠珠吾愛妾不可得也琇竟誅崇來訪綠珠綠
珠聞之墜樓死本傳

染髮媚側室何長瑜以韻語序僚佐云陸展染白髮欲
以媚側室青青不解久星星行復出謝靈運傳

玉簫韋臯少遊江夏姜史君之館有小青衣曰玉簫年
七歲常令侍臯年長有情韋去與玉簫約曰後七年再
來玉簫遺以白玉指環并詩曰黃雀嚙來已數春別時

留解贈佳人長江不見魚書至為遣相思夢入秦逾八
年韋不至玉簫絕食而殞後十年韋理蜀不替因作生
日東川盧八坐中送一歌姬來未滿破瓜亦以玉簫為
號觀之乃真玉簫也雲溪友議

雪兒雪兒李密之愛姬善歌每見賓僚文章中意者即
付雪兒歌之故韓定云盛德好將銀管述麗詞堪付雪
兒歌百斛明珠

阿軟元微之到通州見壁間有詩落句云綠水紅蓮一
朶開千花萬草無顏色不知何人題也錄此詞寄樂天
乃樂天十五年前及第時贈長安妓阿軟絕句故白詩
云十五年前似夢遊曾將詩句結風流偶助笑歌嘲阿
軟那知傳誦到通州

紅兒鄜州李孝恭籍中有紅兒善肉聲羅虬挑之不荅遂作絕句百篇號比紅兒詩

酥香唐杜祕書工於小詞鄰翁有女小字酥香凡才人所為歌曲悉能諷之一夕踰牆而至杜始望不及此鄰翁失女所在後半年僕有過杜筓之窟而聞官杜流河朔臨行述永遇樂一詞決別女持紙三唱而死並白樂天集

樊素小蠻白樂天有二妾樊素善歌小蠻善舞嘗有詩曰櫻桃樊素口楊柳小蠻腰二妾既長又有詩云一樹春風萬萬枝嫩於金色軟於絲後二妾各去有詩云病與樂天相伴住春隨樊素一時歸古今詩話

薛瑤英唐元載寵婢薛瑤英楊炎贈歌曰雪面淡娥天上女鳳簫鸞翅欲飛去玉釵翹翠步無塵楚腰如柳不

勝春雞跡集

燕子樓唐張建封收徐州有愛妓盼盼建封沒盼盼不嫁居燕子樓十餘年白樂天作燕子樓詩有云醉嬌無勢力風裊牡丹花

穠李昭華王晉卿有二女奴名穠李昭華黃魯直改竹夫人為青奴有詩云穠李四絃風拂席昭華三弄月侵牀我無紅袖堪娛夜正要青奴一味涼山谷

絳桃柳枝韓退之二妾一曰絳桃二曰柳枝退之使山東有詩云東風欲動別長安春半邊城特地寒不見園花并巷柳馬頭唯有月團團柳枝後踰園遁去有詩曰別來楊柳塔頭樹擺亂春風只欲飛還有小園桃李在留花不發待郎歸語林

鶯鶯唐貞元中張生與崔氏女小字鶯鶯往來後棄之鶯鶯已委身於人張亦娶適經其所求見不得崔知之潛賦一章曰一從消瘦減容光萬轉千回懶下牀不爲旁人羞不起爲郎憔悴却羞郎竟不見元稹爲作鶯鶯歌

燕燕坡詩詩人老去鶯鶯在公子歸來燕燕忙張祐妾名燕燕

劉禹錫擬四愁詩禹錫有妾甚麗李逢吉強取之禹錫有妾擬作四愁詩內警句云得意紫鸞休舞鏡能言青鳥罷啣戕金盆已覆難收水玉軫長拋不續絃○買笑樹邊花已老畫眉窻下月猶殘○三山不見海沉沉豈有仙蹤更可尋青鳥去時雲路斷姮娥歸處月宮深紗窻遙想春相憶書幌誰憐夜獨吟料得夜來天上月只

應偏照兩人心本事詩

黃鸝啼別韓滉鎮浙西戎昱爲部內刺史有官妓善歌色亦閒妙滉聞召至籍中昱詞送之云送客春風湖上亭柳條藤蔓繫人情黃鸝久住渾相識欲別頻啼四五聲妓至首歌此詞滉卽歸之

青娥趙嘏浙人有美妾泊計偕母不許携行會上元節爲鶴林之遊帥見之掩爲已有明年嘏歸以詩感之曰寂寞堂前日又曛陽臺去作不歸雲當時聞作沙吒利今日青娥屬史君帥聞之乃遣還古今詩話

轉春鶯王晉卿貶均州姬侍盡逐有一歌者號轉春鶯色藝兩絕不知流落何許二年内徙道過許昌市旁小樓聞泣聲晉卿問乃轉春鶯也恨不可復得因賦一聯

佳人已屬沙吒利義士今無古押行客有足成章云幾年流落向天涯萬里歸來兩鬢華翠袖香殘空挹淚青樓雲渺定誰家。回首音塵兩沉絕春鶯休轉沁園花

西清詩話

杜秋娘李錡叛有妾杜秋娘没入宮後又放歸杜牧感

而作詩有云椒壁懸綿幕鏡奩蟠玉螭月上白壁門桂影浮參差金階玉露重閒把紫簫吹燕媒得皇子夫人親捧持虎睛珠絡祿金盤犀鎮帷國史補

崔徽崔徽河中娼也裴敬中以興元幕使河中與徽相

從累月敬中歸情懷怨抑後東川幕白知退歸徽乃寫真奉書謂知退曰為妾謂敬中崔徽一旦不及卷中人且為郎死矣元稹為作歌元集

薛濤蜀妓也元徽之寄詩云錦江膩滑峨眉秀幻出文君與薛濤

書仙長安中有娼女曹文姬尤工翰墨為關中第一時號為書仙有任生者投之詩曰玉皇前殿掌書仙一染塵心下九天莫怪濃香薰骨膩雲衣曾惹御爐煙麗情集

御史娘國樂婦人有永新婦御史娘柳青娘皆一時之妙也有與御史娘詩曰天下能歌御史娘花前月底奉君王九重深處無人見獨把新聲傳順郎桂苑叢集

誦靈光殿賦蜀劉琰侍婢十人悉讀書能誦魯靈光殿

賦蜀志

徐月英江淮間娼徐月英送人詩曰惆悵人間萬事違兩人同去一人歸生憎平望池亭水忍照鴛鴦兩背飛

○枕前淚與階前雨隔箇窻兒滴到明詞多不盡北憲瑣言

却要觀察使李庚之女奴名却要美容止善辭今李有

四子皆欲悉之而不得遇清明中堂弓月四子各在一

處待之長子遇於櫻桃花影中却要詒之曰可於東南

隅相待少頃却要燃密炬豁扉照之曰阿堵貧兒爭敢

向這裏宿四子掩面各走

閩妓詩閩中有一妓能詩有絕句與陳夢和云夢和殘

月過樓西月過樓西夢已迷喚起一聲腸斷處落花枝

上鷓鴣啼夷堅志

琴客顧况有宜城訪琴客詩序曰琴客宜城之愛妾也

宜城請老而愛妾出嫁不禁人之欲達者也麗情集

小桃陳述古有小妓荅詩曰小桃破萼未勝春不見方

中第一人聞道使君歸去後舞衫歌扇總生塵坡詩

雪中觀妓詩曹元寵母王氏能詩有雪中觀妓詩云梁

王宴罷下瑤臺窄窄紅靴步雪來恰似陽春三月暮楊

花飛處牡丹開湘江詩話

青青會稽翟素遭賊欲犯之臨以白刃素婢名青青乞

代素賊殺素後欲犯青青青青不許復殺之列女傳

平康三曲平康里京師妓坊也有三曲錚錚者多在南

曲北里志

賈愛卿韓魏公帥陝西李師中過之為官妓賈愛卿賦

詩曰願得貔貅十萬兵犬羊巢穴一時平功成不用封

侯印只問君王乞愛卿后山詩話

楊臺柳文潞公知成都喜行樂有飛語至京師御史何

郟字聖徒蜀人告歸上遣察之李少愚謂公曰無足念慮因迎謁聖徒於漢州同郡會有妓善舞聖徒喜之問其姓曰楊聖徒曰所謂楊臺柳者少愚取妓帕題詩曰蜀國佳人號細腰東臺御史惜妖嬈從今喚作楊臺柳舞盡春風萬萬條命其妓歌之數日聖徒至成都頗嚴重潞公一日宴聖徒迎其妓雜府妓中歌其詞以酌聖徒聖徒每爲之醉事與陶穀使江南相類聞見

秦弱蘭陶穀奉使江南留寫六朝實錄每進見嚴冷下視江左韓熙載曰五柳公雖若端整其守可噫乃命妓秦弱蘭衣弊衣爲驛卒之女每日擁帚掃地陶微見悅之詢其故荅曰妾守驛者之女也久喪夫歸托父母陶因與狎因與一詞名風光好云好因緣惡因緣祇得郵

亭一夜眠別神仙琵琶撥盡相思調知音少待得鸞膠續斷絃是何年數日李主開宴令弱蘭歌此詞陶大沮即日北歸

不好聲色王安石知制誥吳夫人爲買一妾荆公見之曰何物女子曰夫人令執事左右曰汝誰氏曰妾之夫爲軍大將部米綱運失舟家貲沒猶不足又賣妾以償公愀然曰夫人用錢幾何得汝曰九十萬公呼其夫令爲夫婦如初盡以錢賜之○司馬溫公從龐公辟爲大原府通判尚未有子夫人爲買一妾公殊不顧夫人疑有所忌也一日教其妾俟我出汝自飾至書院冀公一顧也妾如其言公訝曰夫人出安得至此亟遣之穎公知之對寮友咨其賢荆公溫公不好聲色如此

美人

南威晉文公得南威三日不聽朝遂推南威遠之曰後世由我故必以色亡國戰國策

夷光脩明越謀滅吳以美女夷光脩明貢於吳吳處以珠幌若雙鸞之在煙霧中

金屋貯阿嬌漢武帝幼時景帝問兒欲得婦否時長公主指其女曰阿嬌好否武帝曰好若得阿嬌作金屋貯之漢武故事

玉卮娘有書生遇神女見胡僧指曰此西王母第三女號玉卮娘幽怪

王昭君漢元帝使畫工圖後官案圖召幸宮人皆賂畫工獨王嬙不肯遂不得見後匈奴入朝求美人以昭君

行召見貌為後官第一帝重信於外國不復更乃窮案畫工毛延壽陳敞劉白樊育同日棄市西京雜記○後漢匈奴傳云王嬙夔郡人入掖庭數歲不得見時呼韓邪入朝帝敕以宮女五人賜之昭君積悲怨乃請行呼韓辭帝召五女視之帝見嬙大驚欲留之而難於失信遂與匈奴昭君明妃皆號

雪體無軫粟飛燕初居貧與妹合德共被嘗通鄰人羽林射鵬者夜露雪立閉息順氣體無軫粟射鵬者以為神仙

溫柔鄉馮萬金善歌世事江都王王孫女嫁江都趙曼萬金又事曼因與主通曼有疾不能近婦人主有身恐乃稱疾一產二女歸於萬金長曰宜主次曰合德冒姓

趙氏宜主聰敏家有彭祖方脉之書善行氣微長而纖膩舉止翩然謂之飛燕合德膚滑出浴不濡善歌此絕色也俱選入宮合德新沐膏九迴沉水香為卷髮號新興髻為薄眉號遠山黛施小朱號慵來粧左右嘖嘖嗟賞帝謂合德為溫柔鄉曰吾老是鄉矣不能效武帝求白雲鄉也

唾花 飛燕與其妹坐后誤唾其袖合德曰姊唾染人紺碧正似石上花令尚方為之未必能此乃號石華廣袖

並趙后外傳

遠山眉芙蓉臉 文君卓王孫之女眉色似遠山臉際常若芙蓉十七而寡放誕風流故悅長卿之才而越禮焉

西京雜記

祈禱欲有子 成帝時慶安世年十五善鼓琴為侍郎能

為雙鳳離鸞之曲趙后悅之自上得出入御內與后同居處而終無子后常託以祈禱則開一室自左右莫得

至上亦不得至焉以駟車載輕薄少年入宮以十數而

卒無子西京雜記○成帝病陰弱得外國慎恤膠每一丸幸

一夕婕妤進七丸帝居九成帳笑吃吃不絕抵明精流

不止遂崩飛燕外傳

夜來針神 魏文帝美人薛靈芸初別父母淚下紅色至

京凝如血色帝改名夜來好於針工處深帷不用燭裁

製立成雞跖集

玉奴蓮步 齊東昏侯有美人潘妃名玉奴東昏鑿金為

蓮花以帖地令潘妃行其上曰步步生蓮花南史王茂

傳云齊亡王茂請妻之玉奴守節而死故坡詩月地雲階謾一樽玉奴終不負東昏

閣陳後主自居臨春閣張貴妃居結綺閣龔孔二貴妃居望仙閣並復道往來張貴妃髮長七尺其光可鑑瞻視光采溢目嘗於閣上靚粧臨檻宮中遙望飄若神仙分紀

蔓金苔晉元帝外國人進蔓金苔宮人有被幸以苔賜之光照一室又名夜明苔拾遺

來夢兒隋煬帝欲探動勞頓方就一夢侍兒韓浚兒每就枕必令振動肢體帝常得美睡帝呼為來夢兒出南郡煙

半面粧梁元帝徐妃不見禮以帝眇一目每知帝將至花錄

必為半面粧以俟帝帝見大怒而出職林

十眉明皇幸蜀令畫工作十眉圖橫雲斜月皆其眉名坡詩

脂粉宛顏色楊妃女兒封為虢國夫人姿容極白時杜詩曰虢國夫人承主恩平明上馬入朝門却嫌脂粉宛顏色淡掃蛾眉朝至尊

月地雲階牛僧孺不第夜行伊闕入薄太后廟引僧孺

宿有楊妃潘貴妃戚夫人王嬙綠珠來各賦詩僧孺詩曰香風引到大羅仙月地雲階拜洞天共道人間惆悵

事不知今夕是何年明日出方知是廟周秦行紀

記曲娘張紅紅善歌舞每聽新聲一遍即記節奏入宮

號記曲娘樂府

秋水真宗宴近臣語及莊子忽命呼秋水至則綠衣翠
鬟小女童也誦秋水篇聞者駭異雜志

步搖堯舜以銅為笄舜加首飾雜以象牙玳瑁為之文
王髻上加珠翠翹花傅之鉛粉其高髻名鳳髻加之步
步而搖故以步搖名之又釋名云首飾副其上有垂珠
步則搖也東皇后記

飄輕裾翳長袖曲眉豐頰清聲而便體秀外而惠中飄
輕裾而翳長袖粉白黛綠者列屋而閒居妬寵而負恃
爭妍而取憐大丈夫之遇知也韓送李愿序

詩綠樹鶯啼春夢覺樓外雞人唱清曉深紅淺白競東
風為憐滿眼枝枝好○舞袖何年絡臂韝蛛絲網斷玉
搔頭羊車一去空餘竹紈扇相看不到秋○蛟綃淚滴

鴛鴦冷月上欄干照孤影躑躅開花過粉墻轆轤汲水
敲金井○妾意長如鳳管寒君恩不學縷衣寬漢家公

主歌黃鵠猶有琵琶馬上彈李漢老雨滴梧桐秋夜長

愁心和淚到昭陽淚痕不學君恩斷拭却千行更萬行

劉兩鬢如鴉指如笋天生玉顏不着粉臨春迥覺春光

輝照溪添入溪光嫩顏如冰玉操雪霜無人得贈雙明

璫自是臨流拾翠羽不勞騎馬傍垂楊王性月姊曾逢

下彩簷傾城消息隔重簾已聞珮響知腰細更辨絃聲

覺指纖○輕寒衣省夜金斗熨沉香李義小槽橫捧梳

粧薄綠羅緩帶仍斜搭日烘花底光似潑嬌鶯得暖歌

唇滑玉容嬌困撥仍插雪裏一枝初破臘惠蘭缸如何

買不眠玉爐夜起沉香煙青娥一行十二仙欲笑不笑

桃花燃碧窻弄嬌梳洗晚戶外不知銀漢轉彼郎嗔罰
琉璃盞酒入四肢紅玉軟詭肩娉婢裊裊十三餘荳蔻
梢頭二月初春風十里揚州過捲上珠簾揔不如斜
倚繡林愁不語紅綃帶緩綠鬟低遼陽春盡無消息夜
合花前日又西○粧成每被秋娘妬一曲紅綃不知數
鈿頭雲篦擊節碎血色羅裙翻酒污並白居易裙拖六幅瀟
湘水髻染巫山一朶雲貌態只應天上有歌聲豈合世
間聞李羣玉蘭膏新沐雲鬟滑寶釵斜墜青絲髮蟬鬢尚
隨雲勢動素衣猶帶月光來任氏紅玉枕高冰簟滑凝
煙曼水春雲闊重重翠被紅雲錦枕肱不枕相思枕真
敬宛轉雙翅鳳釵舉飄飄翠雲輕楚楚映燭看花未敢
前低鬟向人嬌不語李公神娉婷十五勝天仙白日嫦娥

旱地蓮何處問教鸚鵡語碧紗窻下繡牀前○滿面胡
沙滿口風眉銷殘黛臉銷紅愁苦辛勤憔悴盡如今却
似畫圖中並白樂天高髻雲鬟宮樣粧春風一曲杜韋娘司
空見慣渾閒事斷盡蘇州刺史腸韋應物鏤月為歌扇裁
雲作舞衣自憐回雪態好取月中歸李太雙頰凝酥髮
抹漆眼光入簾珠的皪吳音嬌軟帶兒癡多少間愁揔
未知自古佳人真命薄閉門春盡楊花飛東坡姑山半峰
雪瑤水一池蓮晚院花留立春窻月伴眠樂天菱花烟烟
垂鸞結爛學宮粧勻膩雪風吹涼鬢影蕭蕭一抹踈雲
對斜月劉美飛花成陣春心困寸寸別腸多少添愁悶
無人問偷啼自搵殘粧粉抱瑤琴尋幽韻玉纖趁南風
解慍低雲鬢眉峰斂黛嬌和恨○公家列屋閒蛾眉珠

簾不動花陰移露帳銀牀初破睡牙籤玉局坐圍碁○

東坡六

憶行

屏障腰肢出洞房宮花罕地領巾長羅裙

遮定雙鴛小只有金蓮步步香**憶書**織玉參差象管輕

蜀牋小硯碧窻明袖紗密映嗔郎看學寫鴛鴦字未成

憶飲

綠蟻頻斟不厭多怕羅輕軟襯金荷從教弄酒春

衫浣別有風流上眼波**憶歌**一串紅牙碎玉敲碧雲無

力駐春宵也知唱到關情處緩按餘聲眼色招**憶眠**泥

嬌成困日初長暫卸紗裙小簾涼漠漠帳煙籠午枕粉

肌生汗白蓮香**憶粧**宮樣梳兒翠縷犀釵梁冰玉刻蛟

螭粧成要點雙心字不管簫官只畫眉○春雲陰陰雪

欲落東風和冷驚羅幙漸看遠水綠生漪未放小桃紅

入萼佳人瘦盡雪膚肌眉斂春山知爲誰深院無人剪

刀響應裁白苧作春衣○垂柳陰陰日初永蔗漿酪粉

金盤冷簾幕低垂紫燕忙蜜脾已滿黃蜂靜高樓睡起

翠眉顰枕破斜紅未肯勻玉腕半揮雲岫碧樓前知有

斷腸人○新愁舊恨眉生綠粉汗餘香在蘄竹象牀素

手熨寒衣爍爍風燈動華屋夜香燒罷掩重扃香霧空

蒙月滿庭抱琴轉軸無人見門外空聞裂帛聲霜葉蕭

蕭鳴屋角黃昏陡覺羅裳薄夜風搖動鎮帷屏酒醒夢

回聞雪落起來呵手畫雙鴉醉臉輕雲襯曉霞真態生

香誰畫得玉奴纖手嗅梅花東坡四一聲啼鳥禁門靜

滿地花陰春晝長王文惠玉釵半脫雲垂耳亭亭芙蓉在

秋水東坡嬋娟兩鬢秋蟬翼宛轉雙蛾遠山色○綠水紅

蓮一朵開千花萬草無顏色○桑條初綠與郎別柳葉

半紅猶未歸○飄飄舞袖雙飛蝶宛轉歌喉一索珠並

樂天剥葱十指轉籌疾舞柳細腰隨拍輕○粉曾半捲凝

晴晝醉眼偷回小樣刀並方滿額鵝黃金縷衣翠翹浮

動玉釵垂裴餘蛺蝶雙飛芍藥叢鴛鴦對浴芙蓉水真

歌寶髻巧粧金翡翠羅裙宜着繡鴛鴦章孝舞袖低回

真蛺蝶朱唇深淺綴櫻桃字方楚金感袖春衫薄蜀錦攢

花細帶長振法平陽撫背穿馳道銅雀分香下壁門○閒

吹玉殿昭陽笛醉折梨園縹帶花並杜撚絃花下呈新

曲放撥君前謝改名得夢景陽春暖無人報太液秋深有

鴈來吳融衣飄苴蔻減濃香臉射芙蓉失嬌色霍小連理

枝前同結舌下香花下共論心韓粧成落日捲簾坐小

玉焚香羅帳深李孔雀羅衫窄窄裁珠襦微露鳳頭鞋

石曼卿君恩秋後葉日日向人踈嶠掃黛開宮額裁裙約

楚腰李義山秀色似堪食穠華如可掬樂陰井生秋早明

河澈曙遲惠崇難消守官血易折舞腰腸錢惟芙蓉初出

水桃李揔無言尉遲出戶一囊麝見人雙眼波

繡繡萬花谷前集卷之十七

卷之十七

七

前

